

CEPAD



Husi Ita Ba Ita

Centro de Estudos para a Paz e Desenvolvimento

PRESS RELEASE

LIAN HUSI LIAN LAEK HASORU KORRUPSAUN

Centro de Estudos para a Paz e Desenvolvimento (CEPAD) Komemora Loron Mundial Anti Korupsaun, 9 Dezembru 2016, iha Campo Novel da Paz, Lcidere, Dili Timor-Leste.

Eventu ida ne'e ho objetivu atu eduka sidadaun Timor oan hotu bele hatene oinsa prevene no kombate Korupsaun iha Rai doben Timor-Leste.

Molok tama ba komemorasaun Loron Mundial Anti-Korupsaun CEPAD hala'o preparasaun hodi Produz material Edukativu Anti Korupsaun lubuk ida hanesan Filme Korupsaun, Debate Korupsaun, Muzika korupsaun, Radio Entrevista korupsaun, Livrinho Korupsaun, Filme Istoria Baino no Binoi, Brosura korupsaun no mos Stiker sira nebe mak hakerek liafuan kona ba korupsaun. Ho material Edukativu ne'ebé mak prepara tiha ona CEPAD servisu hamutuk ho CAC nia rede husi Estudante Universitariu sira ne'ebé mai husi Uiversidade la hanesan hodi halo distribuisaun ba Material Edukativu hirak ne'e ba Komunidades sira iha Dili laran tomak, objetivu husi distribuisaun materia hirak ne'e hanesan meus ida hodi hasa'e kuinhesimentu publiku kona ba prevene no kombate korupsaun, hodi nune'e ba futuru sidadaun bele iha kuinhesimentu diak hodi bele prevene korupsaun iha Timor-Leste.

Dalabarak komunidade sira kestiona kona ba lalaok politika dezvoltimentu ne'ebe'e mak agora dadauk lao iha Nasaun Timor-Leste. Frakeza ita ema-nia mak bainhira ita hetan pozisaun poder politiku ita iha tendensia atu har'i ita-nia rede mesak hodi inklui membrus familia no belun sira nudar baze atu hametin apoiu politiku mak ita presiza, hodi ita bele kontinua hametin ita-nia pozisaun no poder politiku. Uza ita nia poder hodi uza ekipamentu estadu nian hanesan Kareta, motor no kupon mina nian hodi ense mina ba kareta hodi tula familia sira pasira iha tempu ferias. Ho atetude hirak ne'e loke dalan ba promove interese individual no grupu ás liu interese nasional.

Tanba ne'e presiza relasaun entre estatdu no sidadaun, buat ida importanti mak ita tenki hakiak ho baze iha transparensia, integridade no **akontabilidade hodi bele promove inkluziun sosial no fiar-ba-malu entre sidadaun no estadu no entre sidadaun no sidadaun, nu'udar**

fundasaun importante ba kaer metin sosiedade Timor-oan hamutuk iha prosesu harii dame no harii estadu iha rai doben Timor-Leste.


Nune'e iha eventu ida ne'e sei fó espasu ba alin oan sira husi Eskola Primaria 5 (Lima) mak CEPAD identifika tiha ona hanesan Escola Primaria Bidau Akadiru-Hun, Escola Primaria São Luis Gonzaga, Escola Primaria Farol, Escola Primaria Manleuana no Escola Primaria Sta. Madalena da Canossa atu Lee sai sira nia poezia mak durante ne'e sira prepara tiha ona hodi komemorasaun ba loron mundial Anti Korrupsaun nian.

Iha eventu ida ne'e mos artista sira husi grupu BANDA "DANECA" sei kanta muzika kona ba korupsaun no grupu husi TERTIL sei hatudu teatru kona ba Korupsaun, Koluzsaun no Nepotizmu hodi anima Timor oan sira oinsa bele kompriende lala'ok prevene no kombate korupsaun.

Hein katak ho meus hirak ne'ebé CEPAD halo, ba futuru bele prevene Korrupsaun no sidadaun hotu bele sinte Dezenvolvimentu nebé sustenbal iha Nasaun Timor-Leste.

Obrigado!

João Boavida



Diretor Ezekutivu CEPAD